



Fondacija za socijalno uključivanje u Bosni i Hercegovini * Фондација за социјално укључивање у Босни и Херцеговини
Zaklada za socijalno uključivanje u Bosni i Hercegovini * Social Inclusion Foundation in Bosnia and Herzegovina

Godišnji izvještaj o aktivnostima Fondacije za socijalno uključivanje u Bosni i Hercegovini (FSU u BiH)

1. januar 2019. – 31. decembar 2019.

FSU u BiH • ФСУу БиХ • ZSU u BiH • SIF in BiH

Branilaca Sarajeva 47 • 71000 Sarajevo • Tel + 387 33 219 313 • Fax + 387 33 219 314

Email: sif@sif.ba • Web <http://www.sif.ba>

Sadržaj

UVOD	2
SVRHA GODIŠNJEG IZVJEŠTAJA	2
REALIZOVANI PROJEKTI.....	3
PROJEKAT „ULOGA MARGINALIZOVANIH GRUPA U PROCESU POMIRENJA U BOSNI I HERCEGOVINI”	3
TEKUĆI PROJEKTI	8
PROJEKAT „IZGRADIMO ZAGOVARAČKU PLATFORMU ZA SOCIJALNU UKLJUČENOST U BIH – ZASTANI I POSLUŠAJ”	8

UVOD

Osnovne informacije o Fondaciji za socijalno uključivanje u Bosni i Hercegovini (FSU u BiH)

Fondacija za socijalno uključivanje u Bosni i Hercegovini je nepolitička, nestranačka, neovisna i neprofitna nevladina organizacija, koja je osnovana Odlukom o osnivanju broj IBHI/FSU u BiH/10 donesenom 19.1.2010. godine, u skladu sa Zakonom o udruženjima i fondacijama Bosne i Hercegovine. Fondacija za socijalno uključivanje u Bosni i Hercegovini zvanično je registrovana 28.01.2010. godine u Ministarstvu pravde BiH.

U januaru 2020. godine, Fondacija za socijalno uključivanje u Bosni i Hercegovini puni 10 godina uspješnog poslovanja.

SVRHA GODIŠNJEG IZVJEŠTAJA

Ovaj godišnji izvještaj pokriva aktivnosti u vremenskom periodu od 1. januara 2019. do 31. decembra 2019. godine.

S obzirom na neprofitni karakter FSU u BiH, te na činjenicu da se ista finansira isključivo od implementacije projekata, svrha ovog izvještaja je da pruži više informacija o implementaciji i realizovanim projektima i aktivnostima u protekloj godini, te budućim (trenutno planiranim) aktivnostima u okviru tekućeg projekta koji implementira FSU u BiH.

Pored projektnih aktivnosti, finansijski podržanih od strane DEU i UNICEF, u navedenom je periodu, uz finansijsku podršku Njemačke ambasade u BiH, napravljena nova, modernija web stranica FSU u BiH i Koalicije Marginalizovanih Grupa u BiH (KOMA), koja je prilagođena različitim profilima korisnika (uključujući i slijepe i slabovidne osobe), te ima napredno korisničko sučelje.

Pored toga, oformljena je i informativna stranica FSU u BiH, za sektor socijalne uključenosti, u okviru Resursnog centra EU organizacija civilnog društva www.euresurs.ba, koja za cilj ima da pruži više informacija o projektu „*Izgradimo zagovaračku platformu za socijalnu uključenost u BiH – Zastani i poslušaj*“, kao i oblasti socijalne uključenosti u BiH općenito, stavljajući na raspolaganje organizacijama civilnog društva i ostalim zainteresovanim stranama sve resurse koji su im potrebni za jačanje njihove uloge u promicanju demokratskog društva u BiH.

REALIZOVANI PROJEKTI



PROJEKAT „ULOGA MARGINALIZOVANIH GRUPA U PROCESU POMIRENJA U BOSNI I HERCEGOVINI”

5.10.2018. FSU u BiH je potpisala ugovor sa Njemačkom ambasadom u Sarajevu za implementaciju projekta *„Uloga marginalizovanih grupa u procesu pomirenja u Bosni i Hercegovini”* na period od 8 mjeseci, od 1.10.2018. do 31.5.2019. godine.

Cilj projekta bio je promovisati, zagovarati i direktno uticati na proces pomirenja u BiH s pristupom od nižeg ka višem nivou u okupljanju ranjivih i marginalizovanih pojedinaca i grupa (osobe s invaliditetom, djeca, starije osobe, žene, nacionalne / etničke manjine, LGBT populacija, itd.) kroz međusobnu podršku i zajedničke ciljeve bez obzira na njihovu etničku pripadnost.

Specifični ciljevi projekata bili su:

Projektni cilj 1: Povećati angažman građana koji pripadaju marginalizovanim grupama i poboljšati razumijevanje o bitnosti i vrijednosti njihove uloge u procesu pomirenja u BiH i to kroz uspostavljanje mehanizama dijaloga za marginalizovane i ugrožene građane i grupe koje omogućavaju proces pomirenja u BiH kroz podsticanje međusobnog povjerenja, podrške i dijeljenja zajedničkih vrijednosti. Jedan od glavnih ciljeva projekta bio je priprema i potpisivanje Deklaracije od strane nevladinih organizacija članica Koalicije marginalizovanih grupa u BiH (KOMA).

Projektni cilj 2: Jačati kapacitete i povećati ulogu organizacija civilnog društva koje predstavljaju marginalizirane grupe u BiH u rješavanju šire diskriminacije, uključujući rodne i socijalne nejednakosti kao osnovne uzroke i sistemske nedostatke koji ne omogućavaju pomirenje u BiH. Ovaj projektni cilj je ostvaren kroz jačanje organizacija civilnog društva koje predstavljaju marginalizovane grupe u BiH, a koje promovišu, adresiraju i zagovaraju građanske, participativne i inkluzivne napore pomirenja u BiH na osnovu njihove zajedničke borbe za zaštitu ljudskih prava i osnovnih sloboda koje im nedostaju.

Projektni cilj 3: Podsticanje umrežavanja i saradnje između organizacija civilnog društva koje predstavljaju marginalizovane grupe u Bosni i Hercegovini iz oba entiteta i Distrikta Brčko, naizmjenično, kako bi se unaprijedili zajednički ciljevi i zagovaralo pomirenje u BiH. Ovaj projektni cilj je ostvaren kroz stvaranje poboljšane percepcije različitosti i koegzistencije, kao i povećanje svijesti o organizacijama civilnog društva koje predstavljaju marginalizirane grupe u BiH o važnosti njihove uloge u procesu pomirenja u BiH.

Postignuti rezultati

Projekat *"Uloga marginalizovanih grupa u procesu pomirenja u Bosni i Hercegovini"* bio je komunikacijski pokušaj stvaranja smislenog društvenog pokreta marginalizovanih i ranjivih grupa aktivnih u radu na pomirenju u BiH.

Projekt je uspio skrenuti pozornost na proces pomirenja koji je trajao predugo, a očito je učinjeno više na suočavanju sa prošlošću nego na pomirenju. Uspio je naglasiti potrebu pronalaska novog nositelja ovog društvenog procesa, onoga koji ima zajednički interes za mir, stabilnost, suradnju i zajedništvo, što su i sinonimi za pomirenje. Tu ulogu mogu preuzeti marginalizirane skupine kojima je potreban mir i stabilnost kako bi riješili svoje osnovne probleme. Zajedničkim aktivnostima osigurani su mehanizmi dijaloga za marginalizirane i ranjive građane i grupe koji omogućuju proces pomirenja u BiH. Svi dokumenti izrađeni u okviru projekta rađeni su međusobnom saradnjom i otvorenom metodom koordinacije, osiguravajući sudjelovanje svih zainteresiranih strana.

Projekat se sastojao od sljedećih aktivnosti:

1. Medijske i kampanje vidljivosti projekta
2. Pripreme i potpisivanja Deklaracije o pomirenju
3. Organizacije radionica o zagovaranju za pomirenje
4. Izrade Akcijskog plana za primjenu Deklaracije o pomirenju
5. Organizacije 5. Konvencije Koalicije marginalizovanih grupa u BiH

MEDIJSKA KAMPANJA I KAMPANJA VIDLJIVOSTI PROJEKTA

Vidljivost projektnih aktivnosti postignuta je kroz veoma transparentnu i učinkovitu kampanju tokom cijelog trajanja projekta, kroz korištenje raznovrsnih audiovizualnih i informativnih tehnika i alata, kao što su interesantne ljudske priče, video priče, TV tematski dijalog, zajedno s organizacijom niza radionica i Konvencijom Koalicije KOMA. Ova je kampanja bila vrlo dobro prihvaćena i uveliko je utjecala na percepciju raznolikosti i suživota iz perspektive marginalizovanih grupa, kao i na važnost njihovog prepoznavanja u procesu pomirenja u BiH.

Kampanja se sastojala od sljedećih aktivnosti:

1. Interesantne ljudske priče („Human interest stories“)

Ukupno su proizvedene dvije interesantne ljudske priče. Ove priče predstavljaju izuzetan (te u praksi dokazan) alat za aktiviranje kampanje na društvenim medijima.

Saradnja s novinarom Mimom Šahinpašićem uspostavljena je s ciljem da se proizvede i emitira u javnosti prva priča o pomirenju u BiH. Prva od dvije priče emitirana je na OBN TV, 07.02.2019. u emisiji "Vox Populi", te se može naći na sljedećem linku:

<https://www.facebook.com/fsu.u.bih/videos/543182882869586/>.

Uspostavljena je saradnja s novinarkom Tatjanom Čalić s portala BUKA kako bi se napisala i objavila druga priča o pomirenju u BiH. Druga od dvije priče objavljena je na portalu BUKA, 07.05.2019. godine i može se naći na sljedećem linku:

<http://www.6yka.com/novosti/marginalizovani-gradani-ove-zemlje-su-odavno-pomireni>

2. Infografike i kampanja na društvenim medijima

Gore navedene priče bile su praćene infografikama obogaćenim visokokvalitetnim, „prodornim“ fotografijama i grafičkim rješenjima. Ujedno, infografike su se sastojale i od 8 grafičkih serija koje promoviraju Deklaraciju o pomirenju u BiH, nakon čega je uslijedila promocija na Facebook stranicama FSU u BiH i KOMA od 9. do 23.04.2019. godine.

Kampanja na društvenim mrežama praćena je izjavama građana. U Sarajevu i Banjoj Luci zabilježeno je ukupno 12 izjava. Izjave su, sa fotografijama građana, objavljene svakog drugog dana na Facebook stranici FSU u BiH i koalicije KOMA. Objavljivanje izjava počelo je 30.01.2019. godine, a kampanja je trajala do 23.02.2019. godine.

3. Tematska dijaloška emisija

Pripremajući se za ovu aktivnost, organizirali smo i odabrali sudionike za TV emisiju, kontaktirali producenta TV1, u saradnji sa njim, napravili interesantan scenarij za ovu dijalošku emisiju. Tema emisije bila je "Uloga marginalizovanih grupa u procesu pomirenja u BiH". Emisija je snimana 25.02.2019., emitirana je 5.03., a reprizirana je dva puta, 06. i 09.03.2019.

Gosti u dijaloškoj emisiji su bili:

- Ranka Ninković-Papić, direktorica Fondacije za socijalno uključivanje u Bosni i Hercegovini (FSU u BiH);
- Sabahudin Velić, predsjednik Udruženja RVI općine Bugojno;
- Željko Volaš, predsjednik Organizacije amputiraca UDAS Republike Srpske.

Voditeljica emisije je bila Merima Spahić, PR saradnica Fondacije za socijalno uključivanje u Bosni i Hercegovini na ovom projektu. Emisija je dostupna na sljedećem linku:

https://www.youtube.com/watch?v=8RNYNI_ko6M

4. Storytelling video

Ovaj video je snimljen u tri grada u oba entiteta u BiH, sa šest učesnika / sagovornika, kako slijedi: u Banjoj Luci sa Željkom Volašom, predsjednikom organizacije amputiraca UDAS Republike Srpske, Draganom Popovićem, članom organizacije UDAS; u Bugojnu sa Sabahudinom Velićem, predsjednikom Udruženja RVI općine Bugojno; u Sarajevu s Dobricom Pejičić, ocem djeteta s invaliditetom, Merimom Sorguč osobom s invaliditetom i Maidom Agić, majkom djeteta s Downovim sindromom.

Video je objavljen na društvenim mrežama (Facebook i Youtube) FSU u BiH i KOMA, internetskim portalima u BiH i TV medijima 31.03.2019.

Premijera videa bila je na TV BHT1 u emisiji "Roditeljski sastanak" 31.03. u 10.30 sati, a repriza je bila 02.04.2019. u 14.45 sati. Video je također emitiran na TV BHT1, Hema TV, TV USK, TVSA, te na internetskim portalima humanost.ba i Slobodna Bosna.

Video je dostupan na sljedećem linku:

<https://www.youtube.com/watch?v=sxHSp9TfD2I&t=97s>.

PRIPREMA I POTPISIVANJA DEKLARACIJE O POMIRENJU

Potpisivanjem Deklaracije „Saradnjom do pomirenja“ od strane nevladinih organizacija u BiH, ujedno je ostvaren i jedan od glavnih ciljeva projekta.

Na temelju prethodno obavljenih savjetovanja s ključnim akterima, u aprilu 2019. godine pripremljen je nacrt Deklaracije pod nazivom „ZAVRŠITE PROCES POMIRENJA – MI VEĆ JESMO!“. 26.04.2019. otvorena je internetska peticija za potpisivanje Deklaracije, koja je potpisana od strane 53 osobe na Facebook-u i na sljedećem linku: https://www.onlinepeticija.com/potpisiite deklaraciju o pomirenju u bih?fbclid=IwAR3Yz0liKlFQ52q0WPvuW_c9P9Oi4hX-j_vG6iBXdEGzeR1zvSQxgQgVKLI.

U Sarajevu i Bužimu organizirane su dvije ulične akcije za potpisivanje Deklaracije. Ulična akcija u Sarajevu održana je 28.05.2019, dok je ulična akcija u Bužimu održana 30.05.2019. Peticiju je, putem Knjige potpisa, kroz ulične akcije i lični kontakt sa zainteresiranim stranama, ukupno potpisalo 369 osoba.

ORGANIZACIJA RADIONICA O ZAGOVARANJU ZA POMIRENJE

Prva radionica zagovaranja-pomirenja organizirana je i održana u Banja Luci 20.12.2018. godine, dok je druga održana u Sarajevu 28.01.2019. godine. Moderatorica na obje radionice bila je Ranka Ninković-Papić, dok je radionicu o značaju pomirenja vodio Žarko Papić koji je na radionicama predstavio i nacrt Deklaracije o pomirenju marginalizovanih grupa. Ukupno 36 učesnika na obje radionice (17 u Sarajevu i 19 u Banjoj Luci) bili su članovi marginaliziranih grupa, javnih institucija, akademske zajednice, OSCE-a, građana i medija, te su aktivno raspravljali i dali doprinos donošenju zaključaka radionice.

IZRADA AKCIJSKOG PLANA ZA PRIMJENU DEKLARACIJE O POMIRENJU

Učesnici radionice dali su vrijedne doprinose, radeći pojedinačno i u grupama, sadržaju Akcionog plana za realizaciju ciljeva Deklaracije marginalizovanih grupa u BiH. Akcioni plan, koji je pripremio dr. Žarko Papić, daje detaljan pregled koraka za provedbu Deklaracije u političkom i ustavnom okruženju BiH.

ORGANIZACIJA 5. KONVENCIJE KOALICIJE MARGINALIZOVANIH GRUPA U BIH „KOMA“

Peta Konvencija koalicije KOMA održana je 25.04.2019. u Sarajevu. Moderatorica Konvencije bila je Ranka Ninković-Papić. Na Konvenciji je sudjelovalo 47 učesnika iz cijele BiH, članova KOMA-e i gostiju. Dr. Žarko Papić predstavio je nacrt Akcionog plana za realizaciju ciljeva Deklaracije marginalizovanih grupa u BiH. Nacrt Izjave marginaliziranih skupina u BiH i Akcioni plan za realizaciju ciljeva Deklaracije marginalizovanih grupa u BiH jednoglasno su usvojeni na Petoj Konvenciji koalicije KOMA.



Ovaj projekat finansira
Evropska unija



PROJEKAT „IZGRADIMO ZAGOVARAČKU PLATFORMU ZA SOCIJALNU UKLJUČENOST U BiH – ZASTANI I POSLUŠAJ“

30.10.2018. godine potpisan je ugovor sa Delegacijom Evropske Unije u BiH (u visini od 476.990,00 EUR) na period od 32 mjeseca, od 1.11.2018. do 30.6.2021. godine, za finansiranje projekta pod nazivom „*Izgradimo zagovaračku platformu za socijalnu uključenost u BiH – Zastani i poslušaj*“, u partnerstvu sa Inicijativom za bolju i humaniju inkluziju (IBHI). Ovaj iznos predstavlja 90% finansiranja projekta, pri čemu se FSU u BiH obavezala pribaviti sufinansiranje u iznosu od 10%.

Ovo sufinansiranje je zvanično pribavljeno potpisivanjem ugovora sa UNICEF BiH, 15. januara 2019. godine, na iznos od 47.900,00 EUR, što predstavlja 10,04% ukupne vrijednosti projekta. Ovim sredstvima, UNICEF BiH je finansirao jedan okrugli sto u Sarajevu i dva policy papira u potpunosti, finansirati će jednu SWOT i PEST radionicu u Sarajevu 2020. godine, te djelimično pripremanje Studije 2020. godine.

Cilj projekta je razvoj i jačanje uloge, kapaciteta i vidljivosti nevladinih organizacija okupljenih kroz "Koaliciju marginalizovanih grupa u BiH - KOMA" s ciljem učešća u stvaranju socijalnih javnih politika i zagovaranju za prava marginalizovanih grupa kao preduslova za pravednije i otvorenije društvo koje podržava proces evropskih integracija u BiH.

Ovaj cilj će biti postignut kroz **četiri glavne komponente/područja rada**:

- 1) Istraživanje i analiza trenutnih potreba marginalizovanih grupa u BiH i izrada ključnih dokumenata
- 2) Izgradnja kapaciteta i jačanje međusektorske „Koalicije marginalizovanih grupa u BiH - KOMA“
- 3) Zagovaračke aktivnosti u polju socijalnog uključivanja
- 4) Komunikacijske aktivnosti i povećanje vidljivosti

Specifični ciljevi projekta

- Poboľjšati pristup pravima za marginalizovane grupe kroz iniciranje i izradu Strategija socijalnog ukljućivanja na entitetskim nivoima i na nivou Distrikta Brćko;
- Povećati kapacitete, efikasnost i vidljivost međusektorske "Koalicije marginalizovanih grupa u BiH - KOMA" uz angažman zagovaranja u oblasti socijalnih javnih politika;
- Podsticati umrežavanje, saradnju i komunikaciju među organizacijama civilnog društva i povezanim zainteresovanim akterima;
- U svjetlu mogućeg kandidatskog statusa BiH na evropskom putu povećati znanje i znaćaj prednosti koje donosi proces pridruživanja EU u vezi sa zaštitom socijalnih prava građana BiH, a samim tim i jaćati podršku procesu integracija BiH u EU;

Aktivnosti u okviru projekta

- Izrada i objavljivanje dva policy papira;
- Izrada i objavljivanje Studije „Osnove i smjernice za razvoj strategija socijalne ukljućivosti na nivou entiteta i Distrikta Brćko BiH“
- Organizacija pet tematskih treninga;
- Aktivnosti zagovaranja za socijalnu ukljućivost s fokusom na 20-30 zagovaraćkih sastanaka, tri okrugla stola i tri SWOT-PEST radionice;
- Aktivnosti medijske kampanje, komunikacije i povećanja vidljivosti, kao i šira promocija projekta kroz medije;
- Kreiranje i promocija dokumentarnog filma sa fokusom na socijalnu ukljućivost marginalizovanih grupa, te originalne pjesme i teksta;
- Organizacija finalne Konferencije u okviru projekta –KOMA Konvencije.

Izrada i objavljivanje dva policy papira

Prvi policy papir pod nazivom „Prema Evropskoj Uniji - Ključni problemi socijalnog ukljućivanja u BiH“ izrađen je, dopunjen u skladu sa doprinosima učesnika okruglih stolova i objavljen na web stranicama FSU u BiH, IBHI, kao i euresurs.ba u aprilu 2019. godine. Cilj ovog papira je definirati pristup i koncept strategija socijalne ukljućivosti uzimajući u obzir globalnu situaciju i situaciju u Bosni i Hercegovini i, konkretnije, proces pridruživanja BiH Evropskoj uniji, što zahtijeva razvijanje politika socijalne ukljućivosti. Analiza temeljnih pitanja socijalne ukljućivosti fokusirana je na identifikaciju nekoliko temeljnih problema s kojima se susreću ranjive grupe, kratko ispitivanje uzroka i posljedica te pregled javnih politika (strategija, zakona) od znaćaja za socijalnu ukljućivost.

Drugi policy papir pod nazivom „Prema Evropskoj Uniji - Preporuke za unaprjeđenje socijalnog uključivanja u BiH“ izrađen je, dopunjen i revidiran u konsultacijama s UNICEF-om i DEU. Drugi papir, dovršen i objavljen u novembru 2019. godine, sadrži analizu geneze razvoja politika socijalne uključenosti i njihove uloge u cjelokupnim strategijama Europske unije, poput Europe 2020 i Prema održivoj EU 2030. Posebna pažnja posvećena je otvorenoj metodi koordinacije i njenoj provedbi u BiH. Prvi put se u BiH, u kontekstu socijalne uključenosti, analizira i negativni utjecaj prirodnih katastrofa. Također, posebna pažnja posvećena je preporukama EU u vezi s reformama u BiH predstavljenim u Mišljenju Europske komisije o zahtjevu BiH za članstvo u EU (29.05.2019).

Izrada i objavljivanje Studije „Osnove i smjernice za razvoj strategija socijalne uključenosti na nivou entiteta i Distrikta Brčko BiH“

Jedna od projektnih aktivnosti je i priprema studije „Osnove i smjernice za razvoj strategija socijalne uključenosti na nivou entiteta i Distrikta Brčko BiH“ koja će sadržavati nacрте Strategija socijalne uključenosti na entitetskim i nivou Brčko Distrikta BiH. Cilj izrade ove Studije je pružiti stručnu osnovu za pripremu Strategija socijalne uključenosti na entitetskim i nivou Brčko Distrikta BiH, s fokusom na najugroženije kategorije u društvu, posebno djecu. Trenutno je u fazi prikupljanje prijava za eksperte za socijalnu uključenost u FBiH, RS i BDBiH, te eksperta za statistiku, a koji će raditi na nacrtima strategija socijalne uključenosti u entitetima i BDBiH. Početak rada na Studiji očekuje se u januaru 2020. godine, a trajat će do decembra 2020. godine.

Organizacija pet tematskih treninga

U sklopu projekta, planirano je i održano pet treninga za različite učesnike Koalicije marginalizovanih grupa u BiH „KOMA“, i to kako slijedi:

- 1) Trening na temu strateškog planiranja i namicanja sredstava, održan u Sarajevu 22-23.04.2019. za 23 predstavnika/ca KOMA-e;
- 2) Trening na temu pisanja i razvoja projektnih prijedloga, održan u Sarajevu 10-11.05.2019. godine za 16 predstavnika/ca KOMA-e;
- 3) Trening na temu Informacionih tehnologija i društvenih mreža u zagovaranju, održan u Sarajevu 18-19.07.2019. godine za 13 predstavnika/ca KOMA-e;
- 4) Trening na temu izrade komunikacijskih i zagovaračkih planova, održan u Sarajevu 25-26.07.2019. godine za 15 predstavnika/ca KOMA-e;
- 5) Trening na temu evropskih integracija, sa posebnim naglaskom na poglavlje 19 pravne stečevine EU „Socijalna politika i zapošljavanje“, održan u Sarajevu 10-11.10.2019. godine za 22 predstavnika/ce KOMA-e;

Aktivnosti zagovaranja za socijalnu uključenost s fokusom na 20-30 zagovaračkih sastanaka, tri okrugla stola i tri SWOT-PEST radionice

U okviru projekta, do sada je održano ukupno 12 zagovaračkih sastanaka sa 38 sagovornika iz institucija, sindikata, političkih partija, te međunarodnih organizacija. Na svim je sastancima dogovorena saradnja na budućim aktivnostima. Svi sagovornici podržavaju aktivnosti u okviru projekta i smatraju se partnerima u procesu usvajanja strategija socijalne uključenosti.

Ujedno su organizovana i 3 okrugla stola sa ciljem prezentacije radne verzije prvog policy papira i dorade papira na osnovu preporuka učesnika. Okrugli stolovi održani su u Sarajevu (28.5.2019. za 26 učesnika/ca), Banja Luci (27.06.2019. za 24 učesnika/ce) i Brčkom (08.07.2019. za 17 učesnika/ca), uz prisustvo predstavnika vlasti, nevladinih organizacija, medija i akademske zajednice.

SWOT i PEST radionice planirane su za januar, februar i mart 2020. godine, te je njihova organizacija vezana za rad na Studiji „Osnove i smjernice za razvoj strategija socijalne uključenosti na nivou entiteta i Distrikta Brčko BiH“

Aktivnosti medijske kampanje, komunikacije i povećanja vidljivosti, kao i šira promocija projekta kroz medije

Medijska kampanja u okviru projekta jednako se fokusirala na tradicionalne medije (printane i elektronske), u formatima koji su pristupačni ciljnim grupama, kao i na nove medije, prvenstveno društvene mreže i Youtube. Ovako osmišljena medijska kampanja je u prvih godinu dana kumulativno dosegla 2 298 744 ljudi u dobi između 18 i 64 godine, iz BiH i regiona. Ovaj broj uključuje doseg od 821 635 ljudi putem televizije i radija, 188 619 putem dnevne štampe, 240 558 putem Internet portala, 675 904 putem Youtube kanala, te 372 055 putem društvenih mreža.

Kampanja vidljivosti marginaliziranih grupa, uključivala je, pored redovnih PR aktivnosti, i sljedeće aktivnosti:

- 1) Dvije priče u fokusu, koje su dostupne na sljedećim linkovima:
<https://www.youtube.com/watch?v=3KJDvh97AV4>
<https://www.youtube.com/watch?v=IH7tFqkPxQg&t=3s>
- 2) Promotivni video koji je dostupan na sljedećem linku:
https://www.youtube.com/watch?v=NiPT_tvyY9s
- 3) Video sa petog treninga “Zastani i poslušaj”- Šta je nama Evropska unija?, dostupan na engleskom i bhs jezicima na sljedećim linkovima:
<https://www.youtube.com/watch?v=6XAwnDZdw4M>
<https://www.youtube.com/watch?v=ZhZUG0xeyG8&t=39s>
- 4) Članke u novinama (Dnevni Avaz, Glas Srpske, Dnevni list, Nezavisne novine), pod nazivom “Zastani i poslušaj- zajedno smo jači” koji su objavljeni 30.10.2019.

- 5) Tematski video sa prikazom osnovnih pojmova socijalne uključenosti, dostupan na engleskom i bhs jezicima na sljedećim linkovima:

<https://www.youtube.com/watch?v=gyeGDIUXnAk>

<https://www.youtube.com/watch?v=bc2oJaEkQ-M&t=1s>

Kreiranje i promocija dokumentarnog filma sa fokusom na socijalnu uključenost marginalizovanih grupa, te originalne pjesme i teksta

Iako je originalni prijedlog projekta podrazumijevao pripremu pozorišne predstave, pratećeg videa i radio drame, veoma uspješna medijska kampanja nas je, uz konsultacije sa Delegacijom EU, navela da ovaj format zamijenimo sa dokumentarnim filmom koji će pratiti pjesma sa originalnom muzikom i tekstom. Prema istraživanjima PR Agencije koja nam pruža podršku u provođenju medijske kampanje u projektu, ovakav je format prihvatljiviji našoj ciljnoj skupini, te je ujedno podobniji za osiguranje održivosti projekta i multiplikaciju rezultata.

Početak aktivnosti na dokumentarnom filmu, te pratećoj pjesmi sa originalnom muzikom i tekstom, planiran je za januar 2020. godine, te će trajati do decembra iste godine.

Organizacija finalne Konferencije – KOMA Konvencije

Ova aktivnost predviđena je za posljednji kvartalni period implementacije projekta, u aprilu 2021. godine.